

Broj: 01-14-230-15/17
Sarajevo, 23.03.2017. godine

- ODLUKA O IZBORU NAJPOVOLJNIJEG PONUĐAČA -

Konkurentski zahtjev za dostavljanje ponuda
u predmetu javne nabavke: Usluge tehničkog ispitivanja

Na osnovu člana 88, člana 64. stav 1. tačka b) i člana 70. stav 1., 3. i 6. Zakona o javnim nabavkama („Službeni glasnik BiH“, broj 39/14), na preporuku Komisije za javnu nabavku broj: 01-14-1-230-14/17 od 23.03.2017. godine, u postupku javne nabavke "Usluge tehničkog ispitivanja", Ministar Federalnog ministarstva raseljenih osoba i izbjeglica je donio

ODLUKU

o izboru najpovoljnijeg ponuđača

Član 1.

Prihvata se preporuka Komisije broj: 01-14-1-230-14/17 od 23.03.2017. godine, i donosi se odluka da se dodjeli ugovor i da se okvirni sporazum za javnu nabavku "Usluge tehničkog ispitivanja" zaključi, na period od jedne godine, sa najpovoljnijim ponuđačem **Institut za građevinarstvo "IG" d.o.o. Banja Luka, na osnovu ponude broj: 0701/17 za ponuđenu cijenu od **34.908,70 KM**, bez obračunatog PDV-a, kao najbolje ocijenjenim.**

Član 2.

Prijedlog okvirnog sporazuma dostavit će se na potpis izabranom ponuđaču po protoku roka od 15 dana, računajući od dana od kada su svi ponuđači obaviješteni o izboru najpovoljnije ponude.

Član 3.

Za izvršenje ove odluke zadužuje se i ovlašćuje Federalno ministarstvo raseljenih osoba i izbjeglica.

Član 4.

Ova odluka objavit će se na web-stranici www.fmroi.gov.ba istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 5.

Ova odluka stupa na snagu danom donošenja, i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj:01-14-1-230/17 od 08.02.2017.godine.

Javna nabavka je sprovedena u postupku: Konkurentski zahtjev za dostavljanje ponuda.

Predviđeno je zaključenje okvirnog sporazuma sa jednim dobavljačem na period do 12 mjeseci. Obavještenje o nabavci broj: 668-7-2-9-3-6/17 od 15.02.2017. godine.

Zahtjev za dostavu ponuda je upućen na tri adrese, za ponuđače: "DTQ" d.o.o. Sarajevo, "IGMAT" d.o.o. Sarajevo i "IGH MOSTAR" d.o.o. Mostar.

Komisija za javnu nabavku imenovana je Rješenjem broj: 01-14-1-230-1/17 od 09.02.2017.godine. Komisija za javnu nabavku dostavila je Zapisnik sa otvaranja ponuda broj: 01-14-1-230-12/17 od 02.03.2017. godine, Zapisnik o pregledu i ocjeni ponuda broj: 01-14-1-230-13/17 od

23.03.2017.godine i Preporuku o izboru najpovoljnijeg ponuđača broj: 01-14-1-230-14/17 od 23.03.2017. godine, u postupku javne nabavke "Usluge tehničkog ispitivanja".

U postupku je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 4. (IGH d.o.o. Mostar, Institut za građevinarstvo "IG" d.o.o. Banja Luka, JU Institut za urbanizam, građevinarstvo i ekologiju Republike Srpske i DTQ d.o.o. Sarajevo)
- da su blagovremeno zaprimljene sve ponude;
- da nije bilo neblagovremeno zaprimljenih ponuda;
- da su sve ponude prihvatljive;
- da svi ponuđači uživaju preferencijalni factor domaćeg;
- da je analizom prispjelih ponuda i računskom kontrolom utvrđeno je da ukupna cijena ponude ponuđača JU Institut za urbanizam, građevinarstvo i ekologiju Republike Srpske bez PDV-a ne odgovara iznosu koji je dostavljen u ponudi od 97.168,50 KM a koja je unesena u Zapisnik sa otvaranja ponuda gdje je ustanovljena greška u zbrajanju pojedinačnih iznosa te je konstatovano da zapravo zbirna vrijednost iznosi 103.215,00 KM bez PDV-a. Ponuđač se na vrijeme očitovao i prihvatio grešku odnosno iznos od 103.215,00 KM kao krajnju ponudu.
- da je kod ponude ponuđača Institut za građevinarstvo "IG" d.o.o. Banja Luka utvrđeno da se radi o neprirodno niskoj ponudi u odnosu na drugorangiranog ponuđača. Naime, ponuda Instituta za građevinarstvo "IG" d.o.o. Banja Luka iznosi 34.908,70 KM dok ponuda drugorangiranog ponuđača DTQ d.o.o. Sarajevo iznosi 45.466,00 KM, što predstavlja više od 20% nižu cijenu. U odnosu na član 66. Zakona o javnim nabavkama („Službeni glasnik BiH“, broj: 39/14) i postupajući u skladu sa Uputstvom o pripremi modela tenderske dokumentacije i ponuda („Službeni glasnik BiH“ broj: 20/15), ugovorni organ je u obavezi od ponuđača tražiti objašnjenje cijene, što je i učinjeno. Ponuđač je u predviđenom roku dostavio pojašnjenje u odnosu na kalkulaciju cijena. Komisija za javnu nabavku je pojašnjenje prihvatila.

U postupku ocjene provedenog postupka, ministar nije našao razloge, nepravilnosti, niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskim dokumentom. Uvidom u priloženu dokumentaciju, nesporno je da je izabrani ponuđač najbolje ocijenjen.

Izabrani ponuđač Institut za građevinarstvo "IG" d.o.o. Banja Luka je izabran primjenjujući kriterij najniže cijene.

Iz navedenih razloga, primjenom člana 64. stav 1. tačka b), odlučeno je kao u članu 1. ove odluke.

POUKA O PRAVNOM LIJEKU

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.



Dostaviti:

- Ponuđačima:
 1. IGH d.o.o. Mostar;
 2. Institut za građevinarstvo "IG" d.o.o. Banja Luka;
 3. JU Institut za urbanizam, građevinarstvo i ekologiju Republike Srpske i
 4. DTQ d.o.o. Sarajevo
- U dosije Komisije;
- Sektor 2 (objava na web stranici ministarstva);
- a/a.